

韓山人詩續集

韓山人詩續集

英郡韓奕 公望著

七言律詩

寄俞立庵

山人正合住山中況有寬閑一畝宮
塔樹拂雲香
空闊峰泉懸石硯池通諸生鱸飯松間午過客披
襟竹裏風卧病荒城秋欲晚幾回林下得相從
山中正合住山人世外高情見主賓來往不須通
姓字送迎多是懶衣巾竹根雨過青梁響挂樹涼

韓文公集

生白月新好此當時商嶺客却遺一老在烟塵

集春歸自習里王之常狂寄佳什次韵奉

答

春來遊思已依下到處開尋舊迹非一絲綠蕪江
共遠幾家茅屋燕初歸僧後野寺無香火潮落沙
墟有石磯惆悵歸來閉戶卧空城白日柳花飛

次王達善韵送祖上人還山

江上秋風起白波一庵依舊卧烟蘿達生已悟新
傳火得法曾聞筏渡河池上泉聲秋雨歇窓間峰

影夕陽多出山底是還山好自昔高人咏在阿

次王達善韵送師上人還徑山

宋渡南來第一山烟霞接閣幾人攀方開赴試來
天上又喜隨師出世間曉日含暉滄海近諸天護
法上方關已將一點通三藏却伴孤鴻振錫還

題東郭草堂

人間行路轉艱危懶性偏於水竹宜下地有隣居
近郭閑門無事樂清時江光似練窓中見柳色如
雲戶外垂有客移舟每相過不談世事只談詩

送故人夜飲話舊

風色蕭蕭木落天故人邂逅會尊前青燈照影吟
清夜白髮聽歌感少年身未死前惟別苦難相忘
處是情牽不因世故身親見肯信人言海變田

送別俞立庵

同學少年今幾存又聞東帛到丘園老來離別各
偏惜吳下文章子獨尋樓閣幾重瞻魏闕江山千
里赴荆門白頭臥病空林下文字從誰更討論

寄祖上人

百年父子一山林出處雖殊揔道心清譽已聞湖
海重閑情且臥薜蘿深平沙鷗鳥暗塔下積雨莓
苔古澗陰便欲相從度長夏尚怜塵土沒衣襟

歲暮閒居偶賦

平生江海遠遊情歲晚衡門老病成萬里青天看
鴈影半庭黃葉聽虫聲榮華易作人間夢文字難
成死後名猶有二三方外友時時相慰話無生

睡起

枕上悠然一夢醒振衣起步咏前庭遠天風雨時

時黑初夏園林處：青身死漫傳招隱賦病多常
別衛生經從誰著屐山中去遍向松根採茯苓

寄素菴

相送白首樂新知獨對青春動遠思風雨空城花
落後池塘芳草燕來時生前只有銜杯好老去空
成覽鏡悲悵望孤帆斜日影滄江猶負白鷗期

奉次雲林画上詩韵

看画哦詩重慨慷百年翰墨付微茫已憐揮洒如
摩詰可忍悲歌似子桑名世幾人稱妙手舊游隨

處攬愁腸雲林故事惟文藻遺迹偏多在遠鄉

竹茶爐

太乙名聞仙館藏此君今喜到禪房
翡翠拂烟禁暖氣琅玕偃月吐寒芒
秋聲滿耳風猶爽春汗沾衣粉尚香
龍芽煎就青松節堪向梅邊趁月嘗

次韵詠菊

佳色偏於詩裡誇清秋籬落野人家
風霜時候知高節水土英華見異葩
只許孤松同晚徑不隨紫卉競春霞
陸翁曾採魚曾賦却咲當時只愛茶

臥病

何處早鶯啼
遠林衡門一病已春深
歲華流水去
朝夕人事浮雲變
古今故里踈烟桑梓念郊原
寒雨鵲鵲心
遠遊已負平生志
白髮青山盡日吟

寄江陰夏翁

殘山剩水舊吳宮
幾度相期杖履同
夜雨新晴桃葉渡
春寒已過杏花風
人生暮景方多暇
春事濃時一半空
解后達人因寄信
酒船何日過湖東

雨中戲作

塵土悠々歲月徂年來無力更馳驅青山長日僧
房靜白鳥滄江釣艇孤舊業幸存遺譜在宦情不
為老來無故人一別春如許空憶飛花倒酒壺

送會試進士

紀元新改永樂年聖主臨軒策衆賢五色祥雲
應天象九重仙仗下臚傳彤庭奏罷香烟滿
金榜題來日月懸不但辭章誇述作德音好副鹿
鳴篇

雨後

日氣成霞映曉林涼風如水滌煩襟丹楓遠接三
吳近老鶴長鳴萬里音老去光陰空愛惜秋來山
水好登臨閑居竟日無人跡戶外蒼苔一徑深

次韻時石菴

幽蹤遠出世間塵消灑衣巾寄此身鳳曆喜逢新
紀歲鶯花復見舊時春清風海宇多佳頌白首山
林有逸民安得扁舟共遊覽溪山處：物華新

次韻荅錢仲並

春庭悄：晝遲：隱几無言獨坐時塵土夢醒黃

髮暮江湖盟冷白鷗疑老懷易感非無酒舊習難
忘尚有詩忽接來緘經久別暮雲西望不勝悲

偶作

沒蒼泥深晚未乾隔簾風緊晝猶寒數聲鶯啼穿
林遠一樹梨花帶雨殘世事逢迎閑自少人生寢
食老宜安白頭終日南牕下只有青山不厭看

送璘講師南游

南朝古寺至今多振錫應知處：過山色隔江來
宛轉風光入夏更清和聽鐘獨去疎烟外禮塔誰

同古澗阿莫為諸方留住久故園思夢舊松蘿

送戴檢校之京

天府新除搃俊豪幕中從事舊賢勞名馳京國身
先到功考銓衡出衆高曉月鐘聲知古寺暮烟江
色認輕舸計程幾日遂過北岸柳青映客袍

睡起

午窓香冷夢初醒雨後桐花落滿庭新茗品高空
自試古琴聲淡共誰聽暫寒雲影時黑入夏林
光處青晝永人閒多懶思詩成韻在硯間屏

送俞進士

皇明詔統重文臣廷試加恩策士人治世已達三代盛儒風今喜一朝新榜懸龍虎應多彥禁統鸞花正好春豈為科名繼家學擬陳治道濟生民

二月初二日寄友

頻年芳節兩叙，往事閑思半夢中江郭春寒連夕雨海棠花信幾番風暮，遠清迷芳草歷，青天淡新鴻悵望思君無限意扁舟一醉故人同

贈墨翁

古法翁從何處傳
桐花燒滿石房烟
昼牧翠霧驚
翎濕白鴝玄霜兔
許堅鑒賞會逢天下士
品類曾
讓井中仙
耽書咲我今
戒癖猶要探囊試研磚

晚望

荒山遠水夕陽遲
倚杖天涯獨望時
親舍白雲秋
渺：漁村紅葉晚
離：一經困守將何用
三徑歸
來未有期
惆悵此時無限思
秋風吹鬢亂如絲

次韻

傳家世業有年餘
歲晚殊方且寄居
黃葉誰來秋

徑雨青燈空對夜窓書老知向道嗟難及學請為
農笑不如喜有高人鄉誼在未嫌行跡到底除

九日

蕭蕭白髮映烏紗強為重陽對菊花風景豈隨人
事異江山不盡夕陽斜一身多病仍漂泊萬事無
言祇嘆嗟坐把茱萸一杯酒幾年為客未還家

山中

雨餘山院寂無花寂當獨對殘春感物華荒後乍
貧難度歲關中久客易思家蒼畦侵嶺新苗綠峯

影當樓夕照斜西望故人嗟病眼片雲只是天涯

早秋

一雨生涼送早秋客邊物色倍蕭颯芳時已往何
嗟及世事將來只預謀落日依：黃葉寺涼風嫋
嫋白蘋洲江湖何處堪投跡挾冊相從問一丘

春暮

桑竹連村暗綠陰客居終日思沉：雨餘江上花
今少春去天涯草正深鄉念豈能忘故里病軀只

擬卧空林故交已淡新交少誰復相知覓賞音

懷山中看梅

繁花如玉綴苔柯照耀山中百畝多老去春光偏
可惜舊時月色有誰歌石間尚想題詩在雪後空
思載酒過人世幾回開又落西來山色奈愁何

次韵留別

湖上東風正落梅放船獨趁暮潮來望中喬木誰
家在愁裏闌花幾處開對坐應慙高士榻笑談那
惜故人杯老來聚散多惆悵欲留題愧不才

送王之彝

十年萬里一遙鄉何事攜家又促裝北近雪山寒
氣動天連沙漠塞垣長書囊舊是隨身物藥品新
添時後方白首相逢又相別落花如雨思茫茫

秋望

人生萬事若為休秋日高明暫倚樓山色不隨人
世改夕陽常照古今愁花邊何處梁鴻宅江上當
時范蠡舟臥病空齋方寂寞喜聞韻咏見風流

湖上

漢：平湖落：天一帆秋影夕陽前衆峯出沒晴
波濶遠樹依微暮靄連不見古人尋古跡欲逃塵
世斯塵綠閒游不用貪程路行傍沙鷗且住船

秋懷

世事愁人白盡頭晚來涼思已驚秋是非已付平
生夢存沒難忘舊日游感起空城塵漠漠日斜古
苑水悠悠細思只有神仙好何處還丹可得求

次韻荅學庵舅

何事生涯路轉艱恐貧窮巷戶常閑漸看白髮身

將老每接清談意自閑
字落人間隨處惜詩成
匣裡幾回刪
佳人一去嗟何及
獨倚斜陽望遠山
堪嗟百事老來艱
滿徑蓬蒿獨閉關
漢：青春如夢過
退：白日向人閑
遂丹有訣終難就
率意成詩懶去刪
幾欲相期同遠去
采芝何處覓商山

送人移居

鷄犬聞書共一船
移家遠去思悠然
城中塵土疑無路
海外烟霞別有天
月冷丹林聞藥杵
春晴別處種芝田
故家文物多孫子
誰似君家世有賢

適閒齋小集

雪消池館半陰晴詩思何如酒思清自念近來
少飲可憐此會最多情疎梅藥萼前影悄春
禽竹外聲世事浮沉底須問風光應已近清明

杭州

一望高城百里強人烟樹色共蒼蒼故宮空有遺
基在舊業都隨王氣亡龍鳳委蛇山有影綺羅寂
寞市無香眼前興廢成今古湖水荒自夕陽
百里城池舊帝京生民曾此樂承平江流東去元

通海山勢西來直到城，華表鶴驚歸日夢，廢池蛙
屬在官鳴。湧金門外西湖路，閑情想人訪地名。

次韻獨卷九日

南北烟塵擾：問足輸物外有僧閑。幾年應聘留
王國，九日登高在故山。佳詠已追前輩作，清歡况
接故人顏。來遊自笑年華晚，企想風流坐不還。

贈道士游茅山

方外幽蹤孰與羣，華陽古洞候茅君。林間有伴鋤
蒼朮，嶺上無人贈白雲。箇間苔荒交虎跡，石幢篆

古類龍文仙家事秋無知者我喜因君得異聞

孫名當晬日戲作

暮年幸喜見生孫書種將期尚有存未必養時餘
酒肉且從晬日具盤餐薄田負郭先人業遺譜傳
家舊相門老眼相看設相慰後來窮達底須論

留海雲卷

年老人間事不求每從方外樂清遊雲深古寺疑
無暑雨足山田望有秋佳木千章當送合懸泉幾
丈下溪流也知賓主相忘久竹杖籃輿任去留

頻年度夏此僧房眠食清便禮數忘盡出揚梅堪
爲酒餅添蒼窗罷熏香滿塔松影齋鐘午繞榻泉
聲客枕涼況有諸生皆向學時列坐論文章

述次

築裏書囊共一舟溪山到處喜相留松篁繞屋名
家舊禾黍連村樂土秋鴻雁天高雲影薄蕪葭霜
冷水痕收西風似怕留連久一夜吹寒聚散來

畫坐

幾莖白髮黑烏巾林下依然一故民老眼又看新

歲曆同遊頗少舊時人晚晴獨鶴池邊影野水疎
梅雪後春只有堆床書數卷終朝誰伴此閑身

次韵獨卷贈道士周玄初

遠公陸子常同社兩士清高不易逢歲晚鄉中成
解后當時林下喜從容經臺雨過啣花鹿香巢雲
迷送雨龍自笑不如彭澤令攢眉往亦相從

椿萱堂

嘉樹陰、碧州春高堂白髮映雙親過從每宴慈
車客迎養應辭捧檄人兩溜枝間苔色古雪消石

上翠光新莊生至論詩人咏千古誰能繼後塵

雙清軒

人間名迹兩相忘白首閒居在故鄉
盡日閉門無俗士疑作有時掃地自焚香
春來村上山仍綠雨過
懸前艸復長出處絕無塵土污咲他漁父咏滄

浪

次韵荅啓上人

坐禪心苦頓形羸示疾開房卧起遲
一寺綠陰人跡斷滿溪滙影夕陽垂
聞經自少言能悟乞食連

朝鉢懶持賣藥慚余竟何事逃名先已被人知

韓山人詩續集

吳郡韓奕 公望著

五言絕句

新歲書懷

已迫桑榆景又逢梅柳春
風波浮世上何處寄閒身

到寺

到寺愁逢虎前峯
日已昏一燈松下影
應未掩柴門

題畫

桐下亭子

屋外雙桐樹秋來夜：聲高僧相近坐不到耳邊
鳴

題竹石

僧榻上小屏

翡翠與珊瑚人言世上無如何多寶地錯落在林
敷

題畫竹四首

一戶一枝垂清陰帶月移參差才數葉正映讀書

帷

葉少枝猶嫩難容翠羽栖高標一雙玉並立似夷齊

秋風日夜起落木正紛：欲問山中信平安有此君

離披秋雨後半挺隔荒垣不見根和幹湘妃血淚痕

浴罷

輕霽隨風散殘霞帶雨收晚涼初罷浴錯道是新秋

雜言

林下誰高枕門前每履車
老夫留病眼猶解看殘
書

偶作

人亦可憐生況已臨暮
景世無百年人百年亦有
盡

不出

江晚雲仍合春寒雨未晴
柴門終日閉青艸上塢
生

題畫魚二軸

幾回曾漏網潛泳樂融：客有傳書者休將置腹
中

漁家祖尚急到處網相連為問江湖上何如在故
洲

題畫

到岸路猶遠况當春水生賣柴人待渡落日半山
橫

題師上人竹

晴梢半出牆分影到僧房一夜雷驚起諸孫過祖
長

立春

七十又過一吳中一剡民春拌送生菜此日又嘗
新

晚思

日落狂風起空齋掩莫寒無人來對語獨酌不成
懽

題小畫二首

人跡不到處山高水亦深携琴獨往
還許有知音

相對坐來久松花落滿池知是山
中人不談山外事

題姚少師扇上釣魚者

心迹與誰同一絲江上風只今稱
尚父方識釣魚翁

題三韓扇上畫竹

幾疊湘簾上擅樂影欲浮清風時
自卷不怨簾中

秋

雨中

夜雨花遲發春寒燕未來故人江上釣蘭欸幾時
開

穀日見雪

穀日最宜晴東風雪滿城老農占歲事相對說春
耕

人日至王之常家阻雨留三日夜

午夢客窓雨莫歸樵徑泥新春閑試步三宿水城

西

冬至

冰厚泉難動
書存芸自香
近來親舊少
免得賀冬忙

日至雖添線
風來正折綿
家人猶做節
獻祇到堂前

題顧定之竹梢二首

僧舍同看處
人家共造時
自從君去後
誰復詠猗猗

出牆梢尚嫩無力受風吹清影如翻倒和雲落硯池

留聽松菴

溪迴船逆上抵寺日應斜不問師出在投裝似到家

對坐兩相忘林陰度夕陽翠鷺金粟滿幾夜不焚香

習里留別

雨雪暗殘年空江阻去船故園春已動歸夢繞梅

邊

題竹

年來淇水上剪伐已無多
愁見寒烟外殘興枝剩
柯

雜言二首

日永閑先覺春寒病易知
貧居難得伴獨自坐多
時

睡穩春稠暖嘗新臘酒醇
所須惟寢食斷送老來
身

題小景

茅屋樹林間
開門只見山
不知何處客
得此一身閑

題花竹鈍毛

碧篠隔花幽
花紅滿樹頭
山禽成伴戲
人肯獨來游

題紅梅

山中夢綠華
修養只淪霞
氣薰骨自換
不用服丹砂

題畫

春路水逶迤歸舟雪霽時
客邊愁送別聊贈竹枝詞

題莫鵝圖

夕景澹寒暉孤村幾點歸
誰知滄海外獨鶴政高飛

題雜畫四首

忽憶山中人呼童抱琴去
一路入松坡直到雲深處

閑庭桂花落晚涼初過雨月出如有期相對成賓主

風日不到處陰巖盡綠苔行吟何處客題壁記曾來

波光冷似銀竹色青如翠林影漾檀藥不隨流水去

東郭雜詠十首

東城

郊居何用遠流水古城隅幾換春風柳還啼月夜

烏

草堂

累土即為堦結茅復成宇聊寄此閑身高臥吟風
雨

荊村

菰米秋已實菰根春又生一村新綠繞人在水中
耕

莎灘

青：水中莎水淺沙平露紫疑纖秋烟知是漁家

婦

柳汀

綠映一陂陰
行分幾株遮
魚網晚來收
下上飛黃鳥

苔徑

一徑入林廬
苔生夜來雨
過客莫嫌貧
綠錢不知數

紅蕖港

紅蕖映綠水
幾里入芳洲
落日放船去
誰吟丈人

游

綠萍灣

游魚躍乍開
垂柳掃還聚
何處采菱人
宛轉移舟去

石庭

下階步月明
半畝平如底
曾經塵履汚
雨中自磨洗

菊籬

秋風吹不落
秋露裛遙開
閑居時日采
何待賦歸

來

題竹枝三首

高館讀書罷清風起隔林戛然如玉響今夜罷彈
琴

風雨思君子寒窓欲霽時揮毫不成句忽訝影離
披

可折不可屈誰似此墨君只看今老朽曾去拂青
雲

題王孟端畫竹

君家竹里館風月映澹樂詩中吟不盡寫入畫中
看

韓山人詩續集

吳郡韓奕 公望著

七言絕句

除夜

寒隨夜色爐頭盡
春逐朝光燭外來
白首茫茫塵土裏
年來年去暗相催

元夕

月轉西樓影自斜
看燈幾處是人家
一樽坐聽殘民語
六十年來幾夢華

題竹與僧賦

種在僧房分外幽
林聲日夜自喧
：執經危坐陪
師席滿地清涼不爲秋
澗水新添滿石池
坐看林影每遲
：一枝拔地才
三尺應似高僧出世時

阻雨

杏花開過近清明
一夜春寒送雨聲
起挽垂楊繫
歸艇小窓寂
：聽鶯鳴

種蘭有感

古語芝蘭種不榮栽培無法遂生成至人治世從
何術一物能通一物情

有懷

麥風梅雨似秋天綠樹陰陰闔戶眠想得還山已
多日陸家池上濯寒泉

小圃閒情三首次張伯純韻

白首爲民世偶遭故人相見喜還疑閒情因話田
園樂袖出吳箋辱贈詩

數垣殘圃一貧家池沼全荒屋半斜故物只餘桐

木在春來滿地落疎花
誰家喬木至今存庇日
遮雲及子孫只剩幾株殘
草藥莫教采盡舊時根

睡起

喜親杖几懶衣巾
睡思難支數欠伸
莫道身閑已
身老也勝白首在紅塵

題雲林小景

君家別業惠山前
宅有雲林戶有泉
一自別來如
夢裏
畫圖展卷思悠然

招周士衡三首

當時相遠欲相尋，咫尺翻嗟帳望深。
十日空山風雨裏，萋萋芳草獨長吟。
空山積雨曉來晴，綠樹黃鸝處處聲。
老去故人思見向，謾將短棹一相迎。
短棹來時便枉過，月明今夜宿巖阿。
慙知滿面鬢和髮，比著前年白更多。

題竹

與虎丘僧賦

生公臺下暮秋天，松柏無枝蔭石泉。
賴有此君如

玉在風梢露葉影娟：

寄盈上人

白雲漢：起秋風獨坐今朝憶遠公老去幾回能
見面半年不得到山中

題畫

休問杜陵并輞川溪山處：景清妍何人屋裡能
閑坐未有徵書到榻前

雨窓

一窓風雨枕書眠夢著漁蓑上釣船覺後依然吟

榻上煮茶爐裏竹間烟

獨坐

燕語鶯啼欲暮春
草深花落政愁人
迢迢白日高窓下
數卷殘書一病身

偶作

烟滿空林水滿池
清和天氣雨晴時
日長年老身無事
臥聽諸孫誦古詩

曹湖

湖水東來似逆流
人家烟樹岸西頭
秋田雨足農

工暇落日林陰見臥牛

題竹次韻

新梢裊：拂雲端翠色偏宜雨後看想見弟兄尋
筍日滿林風雪正天寒

寄袁校書

清秋采藥過江墟處：人家食有魚鮮后陸郎因
問訊日來賓館意何如

湖塘蔣氏莊

蕭然三徑竹風涼滿屋廚烟午飯香留客閑談近

時事門前潮落阻歸航

虎丘

巖下維舟蹕暎苔雲間把火見樓臺寺門不爲山
移鎖爲有詩人夜裏來

除夕

少長團樂燭影前屠蘇微飲少爲先少時我亦曾
先飲七十明朝又一年

寄海雲寺僧

香暗燈明佛殿深梵筵僧散夜沉沉庭梅影轉經

窓月誰伴高人擁被吟

庭雪初消惠草香日晴便覺有春光
老來事：心皆懶獨有登山興未忘

絕句

淡烟疎雨杏花朝漢：餘寒縈散
初惆悵故人江上路春潮空送木蘭桡

題畫

誰家剩此舊園池水上苔花石上芝
賓客不來清晝靜偶來松下坐多時

重午

玉蒲金黍與誰同
因想前懽似夢中
雖有榴花似
當日背人空向雨中紅

元夕

紙燈一碗挂貧家
幾見空城換歲華
塔雪未消窓
月轉舊情今夜獨梅花

山水小軸

土田林屋未全無
頭白歸來萬里途
不忘南中山
水好臥遊還對壁間圖

十月望後作

空庭黃葉覆蒼苔
幾日門前客不來
忽憶高僧揮玉麈
倦凭書几到天台
早起霜寒懶下床
飯香才過已茶香
負暄移日南簷坐
冬日遂如夏日長

寄南琛寶長老

金閭亭外候金幢
此日浮杯已渡江
喜有臯家橋下客
殷勤留宿為朝春
近聽僧中月旦評
如師道行與詩名
豈容只向空

林老自煮牀頭折脚鎚

聞立卷回三首

報道君歸已到城，便將往候問歸情。
春寒十日西郊外，坐聽嚶嚶谷鳥鳴。
君已歸家半月期，相尋何事尚參差。
面雖未見心還樂，在近應非在遠時。
消殘舊雪見新春，遠客初歸最喜人。
自少相知惟我在，相看又倍昔時親。

過嵩山蘭若

十里荒蕪入翠微，偶來山下扣禪扉。
慙它衣上松蘿雨，採得靈芝滿袖歸。

元夕

燈光月影舊時春，今歲家山樂事新。
瑤島還歌舊時曲，尊前暗少舊時人。

題奪魚圖

兒劣寧愁水濺裙，翁羸聊把器藏魚。
兒偷魚水翁知戲，物不在儂還在渠。

題小米烟江卷子

襄陽耆舊能詩能盡如詩也是奇兩岸春山多
少樹至今清氣似秋時

顛風

春風卒地曉來顛雲意渾如欲雪天花信不知今
第幾落梅無數滿庭前

寄溫泉長老

松間偶覓舊房春聽法思陪講席頻繚亂天花玉
如意此時泉上對何人

紀雪

春到人間四十朝
山櫻破葉柳垂條
東風何事猶飛雪
庭下高堆一尺饒

訥菴

言淡口出守如鉗
不要如簧駭衆聽
受汝一卷松竹裏
三緘坐對古人銘

晝寢

香斷窓間一縷烟
脩然塵榻枕書眠
柳黃尚嫩桃紅淺
春在清明數日前

小未晝

畫法元從書法變米家父子有家傳
清秋一段裏
陽景更憶詩人益浩然

海雲白牡丹盛開因寄鏡上人

移根猶記舊同栽今見花如斗大開
花漸大時人漸老看花莫怪每年來

恍如林下白衣人黃紫從他去競春
盈尺面盤如滿月看當日午倍精神

照人百朵玉藏粧
哀白人看嫩玉姿
日午禪房春漏永却疑身到白蓮池

珠光玉潔照衰翁不與人間國色同
穀雨乍晴松院午幾回花下坐春風

重午病中

一樹榴花千染紅年年相對醉熏風
老來幸自歡情減佳節無端又病中

寄祖上人

老來度夏欲依僧况愛名山有惠能
早晚相尋雙樹下解衣盤薄飲池冰

題雲林畫

山中舊宅去多年
歲晚滄江泊釣船
白首歸來訪
隣里廢池喬木思悽然

水仙

江波冷落歲華空
玉潤金明霽雪中
縹緲一身縈
翠帶同心誰共結春風

晝坐

風送飛花入戶來
笑人終日獨徘徊
誰知白首平生
交幾日相思阻酒杯

睡起

閑行無緒坐無聊長日多憑夢裡消
新茗嘗來解醒睡生綃澆蜜薦櫻桃

題墨梅

花繞橫枝幾處春烟霏霧沐更精神
近來辭筆無何遜祇有陳玄解寫真

題竹

西武丘中遇墨君通人清氣碧雲繁
相看忽憶題詩處拄杖曾敲僧舍門

題李伯章詩棠後

身後無兒空有詩一篇流落幾人知
從頭點檢詩中友同輩如今更有誰
同輩如今更有誰尚遺我是舊相知
不知幾日餘生在展卷猶題故友詩

九日

一尊未盡已頽然西窗秋風落日前
身未百年人幾換紫萸黃菊自年年

無錫元夕

荒城寒色夜蕭蕭數點疎燈帶雨燒
兵火十年歌

舞地殘民相對說前朝

看梅

數畝殘花半是苔
看花今是幾回來
江南春色如今少
不似當時樹樹開

午睡

睡思昏人隱几時
閑庭悄、晝遲、春光早被東風減
數片梅花落砚池

雨夜僧房逢故人夜話

松院春寒閉雨聲
一燈紅映佛前明
故人辭后同

禪榻閑說今朝樂太平

對菊

數朵黃花綴翠叢似留春色伴衰翁
午窓獨醉凭書几幾陣寒香入夢中

弔民

入戶寧聞擊鼓音孤燈影冷意惟深
神游此日知何處梧竹空留一院陰

白首追從十五年月中杖屨雪中船
人生大抵如行客却怪君歸在我先

過故宅

荒基半占蒺藜沙
誰補疎籬掩日斜
漠漠新烟寒食後
何人折盡海棠花

寄白雲泉長老

白雲深處路縈迴
百折泉從樹杪來
虎跡漸多人跡少
寺門終日掩蒼苔

留別王之常

桂子巖中十日留
白雲紅葉正宜秋
相尋反使如相避
空負山中一度遊

嗟君寂寞卧丹丘，塵土中來慰暮秋。
却采芙蓉江上去，夕陽何處望歸舟。

題同懷安望雲詩卷

白雲盡處是姑蘇，誰守田廬在土湖。
舊種門前幾株樹，春來啼殺白頭烏。
三釜堪營不逮剝，當時追食思紛。
故鄉北望思丘隴，天際悠然是白雲。

雨晴

朝光忽映午窗明，著屐剛來樹下行。
滿地殘紅花

落盡一春風雨夜來晴

思歸

茫茫野水接寒烟樂事空聞話往年
不是老來游易厭已多歸夢繞梅邊

題畫

竹裏開閑庭百畝盡蒼苔仙人旌節凌
風下不着猷門俗士來

題琴士畫

月過中秋出海遲桂花香裡坐多時
抱琴欲待清

光美且聽流泉鳴石池

立秋

莫待秋來百感生
秋來暑氣自然平
遍郊禾稻莖
莖實添得溪山件件清

初秋夜

好天良夜不多逢
風露無聲月正中
耿耿懷人難
得夢半窗涼影落疎桐

大風

欲松擎竹儘顛號
怒捲從教屋瓦飄
無限稻苗將

欲秀養他須是不鳴條

寄俞立菴

當時相遠少相逢已近如何莫與同暑退涼生秋
正好負他明月共清風

題和靖觀梅手卷

折得南邊第一枝江頭千樹勝開時如今風雪荒
山暮誰有心情去賦詩

西溪

短桑脩竹自村村山勢西來萬馬奔一脈忽隨流

水住幾家烟火樂生存

月中

月中愁影夢中身
悵望秋天想出塵
只有廣寒宮
好住嫦娥不著世間人

八月十四夜過望亭

夜裏行舡過望亭
滿塘秋月露初零
閑吟忽記唐人咏
喜見平田晚稻青

詔入京途中遇雪有懷

汝身行處我心隨
坐數行程計到時
三日孤舟京

口實買薪何處就朝炊
却下新正客邸春
定知逢節倍思親
滿家少長屠蘇酒
應說今年少一人

處夢與朱子新賦

夢中事：覺來空未覺
那知是夢中
閱世只今如夢覺
曲肱閑咏落花風

思遊伴

每思結伴去遊山
笑咏清泉白石間
不問塵中興
此外笑來應未有人閑

題竹

客邸相逢，立春聊將翰墨寫情親。清風滿壁高
堂上，別後應如對故人。
一江春雨莫寒輕，客邸閑愁筆底生。恍似泊舟湘
浦岸，竹枝聽唱棹歌聲。

題雲林畫

山林已肆平生志，詩畫仍留後名何事。卷中緣
底事，苦嫌塵土汨閑情。

題竹

王珣宅裡曾同宿
陸羽泉邊每共遊
一目鳳皇臺
上去西風落木幾回秋

虎丘寺火後五首

融風連晚響
松柯時刻平
明半滅
磨非足
山靈與
狠怒事
閨樓閣占年多

巖池林館逐烟消
山樹岩花盡焦
白傳再生重
領郡春游來減雨三遭

小心從古沒
遮藏有寺東西兩面張
今夜禪宮消
嶽處教容明月展清光

烟雨殘基草色新幾年妝點遂成塵
春來游子心休懶景到荒陳始是真
入寺行：念欲憐鉄花巖在有寒泉
高低頭出當初景却咲樓臺礙幾年

題碧虛清趣

在世何人趣最清利名無事不關情
將身去逐浮丘伯鶴背吹笙度玉京

詠燕寄友人

莫嫌巢舊與簷低安穩無妨且自栖
要擇高堂換

新壘主人應不許啣泥

夜意

雨絕虛堂風氣涼疎簾高燭映秋光閑吟坐愛良
宵外悵望佳人在遠方

題王孟端畫竹

醉裏王郎拔劍歌長材斬伐已無多淒淒夜雨秋
林外惟見殘枝與剝柯

懷山上看牡丹

春城過雨尚清寒山寺花開到牡丹頭白故人誰

尚在仍前同載酒來看

寄王之常

與君初識在芳年，檢束相從忝衆賢。
海內只今零落盡，兩人白首隔山川。

間思

餘生畢竟不多時，事在人盡懶為。
月白風清一杯酒，眼中誰是舊相知。
白雲深處是吾鄉，幾度思歸倚夕陽。
自古人生七十不應猶在夢中忙。

中秋

風露無聲秋氣清中天月轉倍分明
依然光照金尊裏那後當年此夜情

題畫

夢逐樵夫入亂山覺來依舊臥窓間
分明記得山中路松雨蘿烟凝往還

韓山人詩續集

吳郡韓奕 公望著

詞

女冠子 元久

又元宵近冷風寒雨成陣春泥卷陌悄無車馬數
疏殘燈依稀相映夜深光已暝是處敗垣頽砌
螢青燐但發、鼓瑤、漏打破一城荒靜 古來
此地繁華盛歌舞歡相競何事如今恁地都無些
剩空傳下幾句舊腔新令故老風流盡漫唱西樓

月轉也無人聽自別殘紅也半窓梅影伴人愁鬢
賀新郎送別

烟雨楓橋路。算年來幾番送別故人千里君亦當
初緣底事不念平生儔侶容易把幽歡間阻歲晚
却思來訪舊。處停館廢垣荒圃寒日照殘桑梓
同遊似我今餘幾且留連小窓清夜挑燈疑語
身外事多何必問況髮影相看如許秋草蕭蕭連
茂苑政堪愁杜牧詩中意誰盡在行裝裏

清平樂

房深戶密不放朝寒入睡起就牀梳洗畢背坐半
窓紅日夜香易冷頻燒琴弦政緊慵調望斷山中
人信幾多春到梅梢

百字令 次韵答毗陵蔣公亮見寄

問余何事未中年已覺心情歡少對青鏡頻傷往
事白髮鬢邊生早水上蘋紅花間拾翠到如今休
了年：春色應笑開門人老 故人咫尺江雲幾
回吟眺目斷扁舟小荒後人家依舊好空記夢中
曾到一曲高歌知君別後也恁多愁抱甚時乘興

山陰去訪安道

柳梢青 梁溪道中

柳暗花明江村路微雨才晴一個扁舟佳客漁叟
到處閑情往來鳬渚鷗汀新朋間舊人爭送迎
麥飯榆羹故園寒食悞却歸程

漁父詞和放翁韻

三江秋水五湖春雨只在釣船中住
爲：波浪與天浮釣時認得魚多處
杏壇有樹桃源有路罷
釣有時閑去雖年八十尚垂綸
不是姓姜漁父

河傳送俞孝行

天際舟去水和烟路遙：知幾千廣州又在海西
遙堪憐行人方少年 回首吳臺連楚館雲樹遠
眼與腸俱斷念歸期是何時休遲駕花容易稀

水龍吟次韻頓湧金飛雪盡扇

莫寒收盡紅塵四山一色俄驚曉接臺宮闕冰壺
影裏瑩然清悄獨有遊人畫船青蓋笙歌猶繞遍
園林松竹光輝人住處皆仙島 羅扇盡來輕小
乍時人見多驚倒誰留古本到今付與良工畫壩

夏日携時且揮且玩暑都消了更詞人親筆題
這風景古猶少

醉江月 為沈友師題寫山樓

軟紅塵裡愛君家縹緲半空樓倚曲檻外江南江
北兩岸好山無際日潏浮金烟凝積翠朝夕映窓
几拋書臥看丘壑在人胸次興來把筆臨池濃
塗淡抹咫尺論千里內一段精神聚處甚詩人能
擬却笑米顛結庵京口七便馬國誇美生綃半幅
漫賦新詞同寄

柳花青

過了清明江郭外
雲淡烟輕幾家臺沼
萍蕪自綠
殘柳還青
何人樓上吹笙
彷彿梨園舊聲
喚起
閑愁暗思往事
老來忘情

清平樂

曉雲狼藉淡
烟中日柳絮欲飛
無氣力
滿院綠陰
清寂熏香
懸殘煤
盡羅衣試新裁
春尚有些
寒在銀屏
到晚慵開

四字令

荼蘼送香枕，
鵲鳴在桑榆。
近窓行人遠，
去他鄉政離愁。
斷腸。

好事近

落花數點，
懸蛛網，
風聲紋如浪。
看來也似惜春光，
留住殘紅不肯放。
柳烟槐雨，
連門巷，
要做綠陰。
模樣綠陰終不似，
花時這夏景曲兒休唱。

踏莎行 秋夕宿方山寺

秋水平湖，
夕陽低樹，
扁舟遠覓來時路。
到城料得

幾多程停橈為欲尋僧去
香：松蘿冷：鐘鼓
上方更在雲深處
髮絲禪榻話今宵從師要了無
生句

高陽臺

織錦停機服箱休駕兩情此夕交懽
碧漢無雲銀波萬頃茫然憑誰為問
返仙槎去問佳期何事經年奈玉蟾
易老不多光景留連老逢佳節懽懷
水漫隨他兒女瓜果開筵今古無情
算來最是青天不曾見與何人巧只
知間阻因緣信而今悲歡

離合適滿人間

齊天樂

壽內

白頭尚舉齊眉樂相敬未忘貧禮細數流年平頭
六十恰好一周甲子吾生貧賤汝不厭糟糠不嫌
縷喜而今已將婚嫁了兒女 笑：共伊老矣
又何須更問有無家計翠艾成人紅榴結子隱映
熏風庭宇年：到此顏身健心安共傾香酌好添
幾個好孫兒戲舞

花犯 題步障亭

海棠開問誰家亭館依然舊標致綠雲深處有半
濕青紅盡糊雕砌繁英密葉重：樹望中迷數里
似蜀錦張成步障石家徒惜侈夜深把銀燭高
燒有時更折向銅餅斜貯微風度朱唇似迎人笑
語坡老當年一見何事在天涯僧舍底爭似此安
排華屋長相從富貴

糖多令 湖中

買得個扁舟乘閑到處將載將闌世興衰詞不問
人家僧舍裡堪住處便夷猶雨歇淡烟浮黃鸝

寫秋石湖西畔碧悠悠：倘遇桃花源裡客隨着
去莫歸休

菩薩蠻

山寺夏日

重：樹杪高：閑懸泉千尺簷前落度夏愛僧居
一來慵下梯睡餘無氣力坐數遙峰碧閑咏不成
詩斜陽在澗西

卜算子 九日

白髮對黃花又一番重九相會年：少舊人獨酌
杯中酒世意短恒多此語君知否莫問明年健似

今止折筵更寄

睡龍吟 錢塘懷古

佳麗地。寂寞清響空城。草深荒壘。龍飛鳳舞。山形
宛然不復。當時王氣。西湖外。缺岸斷橋。冷落幾灣
烟水。畫船聽有笙歌向。甚處有垂楊。可繫漁野。離
離禾黍。月觀風亭。香無遺址。惟有兩峰南北。在夕
陽裏。因思當日。翠輦幸南渡。二百年生民同樂。
是中歌舞。一自重華去。奚幾渡。曾經消瘦。不似如
今最速。鶴倘重歸到東門市。怎知城郭也應非故。

卜筮子 丙中

急覈打窻紗政是愁時候無奈愁多著酒消反被
愁消酒又減又明燈還短還長漏為問梅花有甚
愁也似愁人瘦

調金門 早秋

秋已到秋到今年何早秋未到時愁動了到秋愁
不少愁尚踈濃雞埽愁下腸空易繞要得沒愁
惟睡好愁還將睡覺

點絳脣 初冬

午夢初回半窓影轉斜陽樹起看梅葉向暖曾開
未一霎清寒捲地西風起無人至把門兒閉自
了閑文字

浪淘沙重午

細雨折紅榴花滿枝頭客遣相對思悠：欲換金
泥額帖子無復風流蓮葉老堪羞鄧去難留一
尊重午與誰酬歌罷楚辭新月上曲影如鉤

水龍吟海萍許氏舟名

軟紅塵裏忙人有誰能識滄洲趣飄然一葉也無

根蒂御風千里禪客蘆花仙翁蓮瓣咲它方外任
浮家不繫行蹤無定莫前身豈飛絮不著風花
浪藥護窻蓮青帘休起卧遊客與筆牀茶竈安如
屋裡待約靈槎銀河秋夕訪牛尋女且先藏我月
明中洗脚唱歌歸去

千葉芝壽內

爐烟拂：生願長同室遂度新腔調舊瑟四十三
年今日當初黃卷相逢後來紅線相從此去白頭
相守榴花無限熏風

生相子 夏日

庭曠落桐花疎箔通荷氣獨自逸閑庭不任來還
去履滑舊苔滋衣潤殘香膩沒一個人來細說
心中事

韓山人詩續集 終